



Na osnovu Odluke o formiranju Vijeća za osobe sa invaliditetom Bosne i Hercegovine („Službeni glasnik BiH br. 57/23), koje je stručno, savjetodavno, interresorno i koordinirajuće tijelo Vijeća ministara Bosne i Hercegovine, a u skladu sa članom 4. stav (2) i članom 5. stav (2) predmetne odluke, Ministarstvo za ljudska prava i izbjeglice Bosne i Hercegovine objavljuje

### JAVNI POZIV

za izbor članova Vijeća za osobe sa invaliditetom Bosne i Hercegovine ispred organizacija osoba sa invaliditetom

Ministarstvo za ljudska prava i izbjeglice Bosne i Hercegovine poziva predstavnike organizacija osoba sa invaliditetom iz cijele Bosne i Hercegovine na podnošenje prijave na javni poziv za izbor članova Vijeća za osobe sa invaliditetom Bosne i Hercegovine ispred organizacija osoba sa invaliditetom.

Izbor će se vršiti u skladu sa gore navedenim odredbama Odluke o formiranju Vijeća za osobe sa invaliditetom BiH i to:

- a) Savezi/udruženja osoba sa invaliditetom iz Federacije Bosne i Hercegovine - osam predstavnika;
- b) Savezi/udruženja osoba sa invaliditetom iz Republike Srpske - šest predstavnika;
- c) Savezi/udruženja osoba sa invaliditetom iz Brčko Distrikta Bosne i Hercegovine - jedan predstavnik.

Ministarstvo za ljudska prava i izbjeglice Bosne i Hercegovine formira komisiju i bira članove vodeći računa o teritorijalnoj zastupljenosti, rodnoj ravnopravnosti i oblicima invaliditeta koji se predstavljaju. Članovi se biraju individualno zavisno od njihove stručnosti, iskustva i rada na pravima osoba sa invaliditetom bilo na lokalnom nivou, regionalnom ili šire. Od kandidata se očekuje da u svom ličnom stručnom kapacitetu daju aktivan doprinos u radu Vijeća za osobe sa invaliditetom BiH, te da iniciraju dijalog, aktivnosti i mjere koje se tiču unapređenja položaja osoba sa i invaliditetom u Bosni i Hercegovini, a sve u skladu sa odredbama UN Konvencije o pravima osoba sa invaliditetom.

Molimo vas da u vašoj prijavi dostavite pismo namjere jasno navodeći zašto se prijavljujete i čime smatrate da možete doprinijeti radu Vijeća za osobe sa invaliditetom BiH i unaprijediti položaj osoba sa invaliditetom u Bosni i Hercegovini i njihovih porodica. Pored toga potrebno je da dostavite i svoju profesionalnu biografiju u kojoj trebate navesti one aktivnosti koje se tiču prava osoba sa invaliditetom i to u hronološkom redu. Poželjno je i da navedete i dokumente u čijoj izradi ste učestvovali. Korisno je i priložiti listu referenci.

Vijeće ministara Bosne i Hercegovine je na 25. sjednici održanoj 3.10.2023. godine donijelo je Odluku o visini novčane naknade za rad članova Vijeća za osobe sa invaliditetom Bosne i Hercegovine po kojoj članovi Vijeća koji su imenovani ispred organizacija osoba s invaliditetom imaju pravo na naknadu od 200,00 KM (neto) i naknadu za ličnog asistenta za one članove koji imaju pravo na asistenta prema važećim zakonskim propisima u iznosu od 100,00 KM (neto). Ista se isplaćuje nakon održavanja sjednice Vijeća.

Molimo vas da vaše prijave do 22. novembra 2023. godine dostavite na adresu:

Ministarstvo za ljudska prava i izbjeglice Bosne i Hercegovine  
Trg BiH 1  
71 000 Sarajevo

Obavezno sa nazankom na koverti:

**NE OTVARAJ**

**„ JAVNI POZIV ZA IZBOR ČLANOVA VIJEĆA ZA OSOBE SA INVALIDITETOM BOSNE I HERCEGOVINE ISPRED ORGANIZACIJA OSOBA SA INVALIDITETOM“**

Za sve informacije kontakt osoba ispred ministarstva su gđin Goran Garić na telefon 033/703-954 ili putem email-a [goran.garic@mhrr.gov.ba](mailto:goran.garic@mhrr.gov.ba) i gđa Tijana Borovčanin na telefon 033/703-954 ili putem email-a [tijana.borovcanin@mhrr.gov.ba](mailto:tijana.borovcanin@mhrr.gov.ba) .

U Sarajevu, 25.10.2023. godine

Broj: 01-37-1-946-56/22

